

ხელშეკრულება N1260/641

ქ.თბილისი

30 დეკემბერი 2016 წ.

ერთის მხრივ, თვითმმართველი ქალაქი თელავის მუნიციპალიტეტი, (შემდგომში „დამკვეთი“) წარმოდგენილი მისი მერის მოადგილის ლევან ლილუაშვილის სახით და მეორეს მხრივ შპს „საქართველოს ფოსტა“, წარმოდგენილი მისი გენერალური დირექტორის ლევან ჩიკვაძის სახით (შემდგომში „შემსრულებელი“), წინამდებარე ხელშეკრულებით შევთანხმდით შემდეგზე:

მუხლი 1. ხელშეკრულებაში გამოყენებულ ტერმინთა განმარტება:

- 1.1. საფელდეგერო მომსახურება - საფელდეგერო სამსახურის მიერ სახელმწიფო მნიშვნელობის გზავნილის უსაფრთხოდ, დაცულად, დაუზიანებლად და ოპერატიულად მიტანა (გამოტანა) ადგილზე ადრესატისათვის, წინასწარ შემუშავებული დახურული მარშრუტით.
- 1.2. საფელდეგერო გზავნილი - გრიფით „სამსახურობრივი“, „საიდუმლო“, „სრულიად საიდუმლო“ და „განსაკუთრებული მნიშვნელობის“ გზავნილი.
- 1.3. საფელდეგერო გზავნილის ჩაბარების ვადები - საფელდეგერო გზავნილი ერთი და იმავე ტერიტორიულ ერთეულში ბარდება მომდევნო სამუშაო დღეს, ხოლო სხვა ტერიტორიულ ერთეულში არაუგვიანეს 48სთ-სა, გარდა მაღალმთიანი რეგიონებისა: შუახევი, ხულო, მესტია, ამბროლაური, ონი, ლენტეხი, ნინოწმინდა, წალკა, ბარისახო და ყაზბეგი, სადაც ჩაბარების დღეებია: სამშაბათი და ხუთშაბათი;
- 1.4. სასწრაფო საფელდეგერო გზავნილის ჩაბარების ვადები - საფელდეგერო გზავნილი, რომელზეც დამკვეთის მიერ შესაბამისი ბეჭდის „სასწრაფო“ დასმის და რეესტრში შესაბამის ადგილზე მითითების საფუძველზე ადრესატს ბარდება მიღებიდან არაუგვიანეს 4 სთ ქ. თბილისის მასშტაბით, ხოლო ადრესატის არყოფნის შემთხვევაში მომდევნო სამუშაო დღეს. რეგიონის მასშტაბით ერთი და იმავე ტერიტორიულ ერთეულში იმავე დღეს, ხოლო სხვა ტერიტორიულ ერთეულში არაუგვიანეს 48სთ-სა, გარდა მაღალმთიანი რეგიონებისა: შუახევი, ხულო, მესტია, ამბროლაური, ონი, ლენტეხი, ნინოწმინდა, წალკა, ბარისახო და ყაზბეგი, სადაც ჩაბარების დღეებია: სამშაბათი და ხუთშაბათი;
- 1.5. ადრესატი - ფიზიკური, ან იურიდიული პირი რომელზეც დამისამართებულია საფელდეგერო გზავნილი;
- 1.6. მიღების ადგილი/მისამართი - დამკვეთის მიერ მითითებული ინფორმაცია ქ. თელავი, ერეკლე II გამზ. N16 სადაც შემსრულებელმა დამკვეთის მოთხოვნის შესაბამისად უნდა მიიღოს საფელდეგერო გზავნილი.
- 1.7. მიმღები - საიდუმლო საქმისწარმოებაზე დაშვების მქონე პირი.
- 1.8. სამუშაო დღეები - ამ ხელშეკრულების მიზნებისათვის სამუშაო დღეებად განისაზღვრება: ორშაბათი, სამშაბათი, ოთხშაბათი, ხუთშაბათი, პარასკევი (საქართველოს შრომის კოდექსით განსაზღვრული უქმე და დასვენების დღეების გარდა).
- 1.9. სამუშაო საათი - ამ ხელშეკრულების მიზნებისათვის სამუშაო დროდ ქ. თბილისის მასშტაბით განისაზღვრება - დრო 10.00 სთ-დან -17.00- სთ-მდე, ხოლო რეგიონებში 10.00 სთ-დან ფოსტის ავტოტრანსპორტის გამოსვლამდე;
- 1.10. ადმინისტრაციული ერთეული - საქართველოს ტერიტორიაზე რეგისტრირებული ადმინისტრაციული ერთეული - ქალაქი, ან დაბა ერთი და იმავე რეგიონის ფარგლებში, რომელსაც ემსახურება ერთი ფელდეგერი გარდა ქ. თბილისისა.

მუხლი 2. ხელშეკრულების საგანი

2.1 ხელშეკრულების საგანია შემსრულებლის მიერ დამკვეთისათვის ამ ხელშეკრულებით განსაზღვრული წესით საფელდეგერო მომსახურების გაწევა და მომსახურების გაწევისათვის დამკვეთის მიერ შემსრულებლისათვის ღირებულების გადახდა თანდართული ტარიფების შესაბამისად.

მუხლი 3. მომსახურების გაწევისა და შემსრულებლის მიერ გზავნილის ქვეყნის შიგნით მიტანის/ჩაბარების პირობები

- 3.1. საფელდეგერო მომსახურების მისაღებად დამკვეთი მატერიალური დოკუმენტის ან ელექტრონული სისტემის ან კომუნიკაციის სხვა საშუალებით, რომელიც იძლევა შემსრულებლის მიერ ინფორმაციის მიღების დადასტურების საშუალებას, ატყობინებს შემსრულებელს მომსახურების მიღების სურვილის თაობაზე. შეტყობინება უნდა შეიცავდეს ინფორმაციას გზავნილში შემავალი პაკეტების რაოდენობაზე;
- 3.2. შეტყობინების მიღებიდან არა უგვიანეს მომდევნო სამუშაო დღისა, შემსრულებელი ვალდებულია გამოცხადდეს გზავნილის მიღების ადგილზე და უზრუნველყოს დამკვეთისაგან საფელდეგერო გზავნილის წამოღება.
- 3.3. სასწრაფო გზავნილის მისაღებად შემსრულებელი გზავნილის მიღების ადგილზე ცხადდება შეთანხმებული

ვადის განმავლობაში.

3.4. დამკვეთი ვალდებულია ამ მუხლის 3.2 პუნქტით განსაზღვრული წესით შემსრულებლის გამოცხადებამდე უზრუნველყოს გზავნილის დახარისხება და გასაგზავნად მომზადება, რათა არ მოხდეს შემსრულებლის შეფერხება.

3.5. გრიფით „საიდუმლო“, „სრულიად საიდუმლო“, „განსაკუთრებული მნიშვნელობის“ გზავნილი უნდა იყოს შეფუთული მკვრივ, შუქგაუმტარ ქაღალდში და გაკერილი ჯვარედინად, რომელზეც დაწებებული უნდა იყოს ბეჭედ დასმული თხელი ქაღალდი, რომლის ანაბეჭდი უნდა ემთხვეოდეს შემსყიდველი ორგანიზაციის დასახელებას.

3.6. თითოეული გზავნილი უნდა იქნეს ერთიმეორისაგან გამიჯნული, ამასთან ერთი გზავნილი შეიძლება დამისამართებელი იქნეს მხოლოდ ერთ ადრესატზე, ერთ მისამართზე წასაღებად;

3.7. საფელდეგერო მომსახურების მიღების მიზნით დამკვეთის მიერ გზავნილის შემსრულებლისათვის გადაცემა ხორციელდება შესაბამისი რეესტრის საფუძველზე, რომელშიც თითოეული პაკეტის შესახებ მითითება:

3.7.1. გრიფი;

3.7.2. ქალაქი (დაბა), ორგანიზაციის სახელწოდება, მიტანის ადგილი (სრული მისამართის მითითებით), ადრესატის სახელი და გვარი, ასეთის არსებობის შემთხვევაში.

3.7.3. მომსახურების მიღების რეჟიმი (ჩვეულებრივი ან სასწრაფო).

3.8. შემსრულებლის მიერ დამკვეთისაგან გზავნილის მიღების შემთხვევაში, იგი ვალდებულია მიტანის ადგილზე გზავნილის პირველი მიტანა განახორციელოს:

3.8.1. ერთი და იმავე ტერიტორიულ ერთეულში 24 სთ-ის განმავლობაში, გარდა მაღალმთიანი რეგიონებისა: შუახევი, ხულო, მესტია, აშროლაური, ონი, ლენტეხი, ნინოწმინდა, ბარისახო და ყაზბეგი, სადაც ჩაბარების დღეებია: სამშაბათი და ხუთშაბათი; (სასწრაფოს გარდა).

3.9. ამ მუხლის 3.8 პუნქტით განსაზღვრული მიტანის/ჩაბარების დღის ვადა აითვლება შემსრულებლის მიერ დამკვეთისაგან გზავნილის მიღების დღიდან.

3.10. შემსრულებელი მომსახურების გაწევისას ხელმძღვანელობს შემდეგი წესით:

3.10.1. შემსრულებელმა საფელდეგერო გზავნილი ადრესატს უნდა ჩააბაროს ორგანიზაციის შემთხვევაში კანცელარიას, ასეთივე დანიშნულების სტრუქტურულ ერთეულს, ორგანიზაციის ხელმძღვანელს, ან ორგანიზაციის შესაბამის უფლებამოსილ პირს, რომელიც უზრუნველყოფს გზავნილის ადრესატისთვის ოპერატიულად გადაცემას.

3.10.2. პუნქტით გათვალისწინებულ შემთხვევებში გზავნილის ჩაბარება უნდა დასტურდებოდეს რეესტრზე ადრესატის/მიმღების გარკვევით ხელის მოწერით, ბეჭდით და მიღების თარიღისა და ზუსტი დროის მითითებით, ხოლო ბეჭდის არქონის შემთხვევაში გარკვევით ხელის მოწერით, პირადი ნომრით და მიღების თარიღისა და ზუსტი დროის მითითებით.

მუხლი 4. ხელშეკრულების ფასი და ანგარიშსწორების წესი

4.1. ხელშეკრულების ღირებულება განისაზღვრება შემსრულებლის მიერ დამკვეთზე გაწეული საფელდეგერო მომსახურების კონკრეტული სახეობებისა და რაოდენობის მიხედვით ხელშეკრულებაზე თანდართული განსაზღვრული ტარიფების შესაბამისად.

4.2. დამკვეთის მიერ შემსრულებლისათვის საფელდეგერო მომსახურებისათვის ამ მუხლის 4.1 პუნქტით განსაზღვრული ღირებულების გადახდა წარმოებს ყოველი თვის ბოლოს, საანგარიშო თვეში ფაქტობრივად განხორციელებული საფოსტო მომსახურების შესაბამისად მხარეთა შორის მიღება ჩაბარების აქტის გაფორმებიდან და ანგარიშფაქტურის წარდგენიდან 10 სამუშაო დღის განმავლობაში.

4.3. ხელშეკრულების სავარაუდო ღირებულება შეადგენს 100 ლარს

4.4. სასწრაფო გზავნილის შემთხვევაში ტარიფი დაანგარიშდება დანართი N1-ით განსაზღვრული გზავნილის ღირებულების ორმაგი ოდენობით.

4.5. ანგარიშსწორების ვალუტა - ლარი, გადახდის ფორმა - უნაღდო ანგარიშსწორება.

მუხლი 5. შემსრულებლის უფლებები და ვალდებულებები

5.1. შემსრულებელი ვალდებულია:

5.1.1. ჯეროვნად და კეთილსინდისიერად შეასრულოს მასზე დაკისრებული უფლება-მოვალეობები;

5.1.2. უზრუნველყოს ჯეროვანი საფელდეგერო მომსახურების გაწევა;

5.1.3. შპს „საქართველოს ფოსტა“-ს გენერალური დირექტორის სახელზე მოწერილი მოთხოვნის საფუძველზე მიაწოდოს დამკვეთის საფელდეგერო მომსახურების ამსახველი დოკუმენტაციის ქსერო ასლები;

5.1.4. მომსახურების გაწევაზე უარის თქმის შემთხვევაში, აცნობოს დამკვეთს მომსახურების გაწევაზე უარის თქმის საფუძველი.

5.1.5. დამკვეთის მიერ მომსახურების შემაფერხებელი გარემოებების აღმოფხვრის შემთხვევაში განახორციელოს მომსახურება.

- 5.1.6. აუნაზღაუროს დამკვეთს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების არაკეთილსინდისიერი, არაჯეროვანი ან არ შესრულების გამო მიყენებული ზიანი;
- 5.1.7. თავის უფლება-მოვალეობების განხორციელებისას სრულად დაიცვას საქართველოს მოქმედი კანონმდებლობითა და ამ ხელშეკრულებით განსაზღვრული მოთხოვნები.
- 5.1.8. ხელი შეუწყოს დამკვეთს კანონმდებლობითა და ამ ხელშეკრულებით მინიჭებული უფლებების გამოყენებაში.

5.2. შემსრულებელს უფლება აქვს:

- 5.2.1. მოსთხოვოს დამკვეთს ამ ხელშეკრულებითა და კანონმდებლობით მასზე დაკისრებული უფლება-მოვალეობების კეთილსინდისიერი და ჯეროვანი შესრულება;
- 5.2.2. მოსთხოვოს დამკვეთს მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების არაკეთილსინდისიერი, არაჯეროვანი ან არ შესრულების გამო მისთვის მიყენებული ზიანის ანაზღაურება;
- 5.2.3. არ განახორციელოს საფელდეგერო მომსახურების გაწევა, თუ დამკვეთს გააჩნია დავალიანება მის მიმართ ან გზავნილი არ შეესაბამება ამ ხელშეკრულებით დადენილ მოთხოვნებს..
- 5.2.4. ამ ხელშეკრულებით განსაზღვრული წესით მოითხოვოს გაწეული მომსახურების ღირებულების დროული გადახდა.
- 5.2.5. იდავოს მომსახურების გაწევასთან დაკავშირებულ საკითხებზე, წარმოდგინოს დამატებითი დოკუმენტაცია.
- 5.2.6. კანონმდებლობით ან ამ ხელშეკრულებით განსაზღვრული საფუძვლის არსებობისას, ან დამკვეთის მიერ ამ ხელშეკრულებითა ან/და კანონმდებლობით დაკისრებული ვალდებულებების შეუსრულებლობის, ან არაჯეროვანი შესრულების შემთხვევაში უარი განაცხადოს საფელდეგერო მომსახურების გაწევაზე.
- 5.2.7. მოთხოვოს დამკვეთს ამომწურავი ინფორმაცია გადარიცხული თანხების შესახებ.
- 5.2.8. მოახდინოს გადარიცხული თანხების ინსპექტირება.
- 5.2.9. დამკვეთთან ურთიერთობებში ისარგებლოს ყველა იმ უფლებით, რაც მინიჭებული აქვს ამ ხელშეკრულებითა და საქართველოს კანონმდებლობით;
- 5.2.10. უარი განაცხადოს საფელდეგერო მომსახურების გაწევაზე, ან საფელდეგერო გზავნილის მიღებაზე, თუ ერთი პაკეტი დამისამართებულია სხვადასხვა ადრესატზე, ან სხვადასხვა მიტანის ადგილზე, ან გზავნილში პაკეტები ერთმანეთისაგან არ არის გამიჯნული, ან გზავნილი არ აკმაყოფილებს ამ ხელშეკრულებით გათვალისწინებულ სხვა პირობებს;
- 5.2.11. უარი განაცხადოს კონკრეტული სასწრაფო საფელდეგერო გზავნილის წაღებაზე, თუ მომსახურების გაწევა ობიექტური მიზეზის გამო შეუძლებელია;
- 5.2.12. უარი განაცხადოს საფელდეგერო გზავნილის მიღებაზე, თუ გასაგზავნ გზავნილში მოთავსებულია ხუთ სხვადასხვა ნომრიან დოკუმენტზე მეტი დოკუმენტი.
- 5.2.13. უარი განაცხადოს სპეციალური დანიშნულების ამანათის მიღებაზე, თუ ამანათის წონა აღემატება 10 კგ-ს;

მუხლი 6. დამკვეთის უფლებები და ვალდებულებები

6.1 დამკვეთი ვალდებულია:

- 6.1.1. გზავნილის მისაღებად დაუბრკოლებლად გაატაროს თავის შენობაში შემსრულებლის წარმომადგენლები, ან ოპერატიულად გასცეს შენობაში შესვლის მუდმივი, ან დროებითი საშვი დადგენილი წესის შესაბამისად.
- 6.1.2. უზრუნველყოს შემსრულებლის ავტოტრანსპორტის მის კუთვნილ ტერიტორიაზე დაუბრკოლებლად შესვლა, ან ოპერატიულად გასცეს ორგანიზაციის კუთვნილ ტერიტორიაზე შესვლის მუდმივი, ან დროებითი საშვი დადგენილი წესის შესაბამისად.
- 6.1.3. მკაცრად დაიცვას გზავნილების გაფორმების, მომზადებისა და შემსრულებლისათვის მათი გაცემის წესი.
- 6.1.4. საფელდეგერო გზავნილში არ განათავსოს ხუთზე მეტი რაოდენობის სხვადასხვა ნომრიანი დოკუმენტაცია.
- 6.1.5. შემსრულებლის მოთხოვნის საფუძველზე მიაწოდოს მას ამომწურავი ინფორმაცია გადარიცხული თანხების შესახებ.
- 6.1.6. ხელი შეუწყოს შემსრულებელს კანონმდებლობითა და ამ ხელშეკრულებით მინიჭებული უფლებების გამოყენებაში.
- 6.1.7. ამ ხელშეკრულებით დადგენილი წესით განახორციელოს საფელდეგერო მომსახურებისათვის შესაბამისი ღირებულების გადახდა.
- 6.1.8. აუნაზღაუროს შემსრულებელს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების არაკეთილსინდისიერი, არაჯეროვანი ან არ შესრულების გამო მიყენებული ზიანი;
- 6.1.9. თავის უფლება-მოვალეობების განხორციელებისას სრულად დაიცვას საქართველოს კანონმდებლობითა და ამ ხელშეკრულებით განსაზღვრული მოთხოვნები.
- 6.1.10. შესრულებელთან ურთიერთობისას და მიღება-ჩაბარების აქტზე ხელმოსაწერად გამოყოს შესაბამისი უფლებამოსილების მქონე პირი;

6.1.11. ხელშეკრულების გაფორმებისთანავე გამოყოს საიდუმლო საქმისწროებაზე დაშვების მქონე ორი პირი და წერილობით აცნობოს შემსრულებელს.

6.2. დამკვეთს უფლება აქვს:

6.2.1. მოსთხოვოს შემსრულებელს ამ ხელშეკრულებითა და კანონმდებლობით მასზე დაკისრებული უფლება-მოვალეობების კეთილსინდისიერი და ჯეროვანი შესრულება;

6.2.2. იდავოს მომსახურების გაწევასთან დაკავშირებულ საკითხებზე, წარმოადგინოს დამატებითი დოკუმენტაცია.

6.2.3. მოითხოვოს საფელდეგერო გზავნილისგზავნილის უკან დაბრუნება, ან ჩაბარების ამსახველი დოკუმენტაციის ქსერო ასლი დადგენილი წესით შპს „საქართველოს ფოსტა“-ს გენერალური დირექტორის სახელზე დაწერილი ოფიციალური წერილის საფუძველზე.

6.2.4. საფელდეგერო გზავნილის ჩაბარების შესახებ ინფორმაციის გაცემა განიხილება გაგზავნიდან მხოლოდ 1 (ერთი) წლის განმავლობაში.

6.2.5. შემსრულებელთან ურთიერთობებში ისარგებლოს ყველა იმ უფლებით, რაც მინიჭებული აქვს ამ ხელშეკრულებითა და საქართველოს კანონმდებლობით.

6.2.6. მოთხოვოს შემსრულებელს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების არაკეთილსინდისიერი, არაჯეროვანი ან არ შესრულების გამო მიყენებული ზიანის ანაზღაურება;

7. მხარეთა პასუხისმგებლობა და დაუძლეველი ძალა

7.1. მხარეები ვალდებული არიან კეთილსინდისიერად და სრულად, ხელშეკრულების პირობებისა და საქართველოს კანონმდებლობის სრული დაცვით, შეასრულონ ხელშეკრულებით ნაკისრი ვალდებულებები.

7.2. მხარეები პასუხს აგებენ ხელშეკრულებით გათვალისწინებული ვალდებულებების შეუსრულებლობასა და არაჯეროვანად შესრულებაზე საქართველოს კანონმდებლობის შესაბამისად.

7.3. ნაკისრი ვალდებულებების შეუსრულებლობის შემთხვევაში ხელშეკრულების პირობების დამრღვევ მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების 0,1%-ის ოდენობით.

7.4. მხარეები თავისუფლდებიან პასუხისმგებლობისგან ვალდებულებების სრული ან/და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

7.5. „დაუძლეველი ძალის“ ქვეშ იგულისხმება გარემოებები, რომლებიც არ არსებობდნენ და რომელთა გათვალისწინება მხარეებს არ შეეძლოთ წინამდებარე ხელშეკრულების დადების დროს, ასევე რომელთა დადგომა, ზემოქმედების თავიდან აცილება და გადალახვა მხარეებს არ ხელეწიფებოდათ, კერძოდ: წყალდიდობა, მიწისძვრა, აფეთქებები, ხანძარი, ავარია, ემბარგო, ომი და საომარი მოქმედებები, ბლოკადა, გაფიცვები, კანონმდებლობის ცვლილებები, რომლებიც აუარესებენ წინამდებარე ხელშეკრულების მხარეების სამართლებრივ სტატუსსა და რეჟიმს და სხვა გარემოებები.

7.6. ამ მუხლის 7.4. პუნქტით გათვალისწინებული დაუძლეველი ძალის მოქმედების მთელ პერიოდში, მხარეები მიიღებენ ყველა აუცილებელ ზომას, მაქსიმალურად შეამცირონ ის დრო, რომლის განმავლობაშიც შეფერხებულია ვალდებულებების შესრულება.

7.7. მხარე, რომელიც მიუთითებს დაუძლეველი ძალის გარემოებაზე თავისუფლდება პასუხისმგებლობისგან იმ ფარგლებში, რომლებშიც მას ხელი შეუშალეს დაუძლეველი ძალით გამოწვეულმა გარემოებებმა. ამასთან, იგი არ თავისუფლდება ამ ხელშეკრულების იმ სხვა ვალდებულებათა შესრულებისგან, რომელთა შესრულებასაც ხელს არ უშლის დაუძლეველი ძალით გამოწვეული გარემოებები.

7.8. მხარე, რომლისთვისაც დაუძლეველი ძალის დადგომის გამო ვალდებულებების შესრულება შეუძლებელი შეიქმნა, ვალდებულია გონივრულ ვადაში, მაგრამ არაუგვიანეს 7 (შვიდი) სამუშაო დღისა, აცნობოს მეორე მხარეს. არასაპატიო მიზეზით შეუტყობინებლობისა და დაგვიანებული შეტყობინების შემთხვევაში, იგი კარგავს უფლებას დაეყრდნოს დაუძლეველი ძალის არსებობას, როგორც პასუხისმგებლობისგან გათავისუფლების საფუძველს.

7.9. მხარე ვალდებულია დაუძლეველი ძალის დასრულების შესახებ წერილობითი შეტყობინება გაუგზავნოს მეორე მხარეს გონივრულ ვადაში, მაგრამ არანაკლებ 5 (ხუთი) სამუშაო დღისა ასეთი გარემოებების დასრულებიდან.

7.10. თუ დაუძლეველი ძალის მოქმედება გრძელდება 30 (ოცდაათი) დღეზე მეტ ხანს, მხარეებმა უნდა გადაწყვიტონ წინამდებარე ხელშეკრულების ბედი; თუ მხარეები ვერ მიაღწევენ შეთანხმებას, დავა განიხილება წინამდებარე ხელშეკრულების მე-10 მუხლის შესაბამისად.

8. დავის გადაწყვეტის წესი

8.1. მხარეები ადგენენ, რომ წინამდებარე ხელშეკრულებასთან დაკავშირებული ყველა პრეტენზია განხილული უნდა იქნეს 15 (თხუთმეტი) კალენდარული დღის ვადაში, მხარის მიერ პრეტენზიის წერილობითი ფორმით მიღების დღიდან.

8.2. ყველა დავა და უთანხმოება, რომელიც შეიძლება წარმოიშვას წინამდებარე ხელშეკრულებიდან გამომდინარე, წყდება მხოლოდ მხარეთა შორის მოლაპარაკების შედეგად. იმ შემთხვევაში, თუ მოლაპარაკების შედეგად შეთანხმება

ვერ იქნა მიღწეული 30 (ოცდაათი) კალენდარული დღის ვადაში, მაშინ მხარეთა შორის დავას განიხილავს საქართველოს სასამართლო.

9. ხელშეკრულების ვადა და მოშლა

9.1. წინამდებარე ხელშეკრულებამალაში შედის მხარეთა მიერ მისი ხელმოწერისთანავე და მოქმედებს 2018 წლის 31 იანვრის ჩათვლით. ხოლო მომსახურების გაწევის ბოლო ვადაა 2017 წლის 31 დეკემბერი;

9.2. წინამდებარე ხელშეკრულება ვადამდე შეიძლება მოიშალოს მხარეთა ურთიერთშეთანხმებით.

9.3. თითოეულ მხარეს შეუძლია მოშალოს ხელშეკრულება ამ მუხლით გათვალისწინებული წესის დაუცველად თუ მეორე მხარე არღვევს დაკისრებულ მოვალეობებს და შესაბამისმა მხარემ განუსაზღვრა მას გონივრული ვადა დარღვევის აღმოსაფხვრელად, ხოლო დამრღვევმა მხარემ ვერ უზრუნველყო დადგენილ ვადაში დარღვევის გამოსწორება.

10. დასკვნითი დებულებები

10.1. წინამდებარე ხელშეკრულების დანართი ითვლება მის განუყოფელ ნაწილად და განიხილება მასთან ერთად. ხელშეკრულების ნებისმიერი ცვლილება და დამატება ძალაშია მხოლოდ მაშინ თუ იგი შედგენილია წერილობითი ფორმით და ხელმოწერილია მხარეთა უფლებამოსილი წარმომადგენლების მიერ.

10.2. წინამდებარე ხელშეკრულების მოქმედების ვადის განმავლობაში, მომსახურების ღირებულება შეიძლება შეიცვალოს მხოლოდ მხარეთა ურთიერთშეთანხმების საფუძველზე.

10.3. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

10.4. ყველა იმ საკითხის რეგულირების მიზნით, რომელიც არ არის მოწესრიგებული წინამდებარე ხელშეკრულებით, მხარეები სარგებლობენ საქართველოში მოქმედი კანონმდებლობის შესაბამისად.

10.5. წინამდებარე ხელშეკრულების ხელმოწერით ძალადაკარგულად ცხადდება მხარეებს შორის წინამდებარე ხელშეკრულების გაფორმებამდე არსებული ყველა ზეპირი მოლაპარაკება ან/და წერილობითი შეთანხმება, ან მათი ნაწილი, რომელიც ეწინააღმდეგება წინამდებარე ხელშეკრულებას.

10.6. მხარეთა მიერ ნაკისრი ვალდებულებებისა და ხელშეკრულების სხვა პირობების შესრულებისათვის, მხარეებმა შეიძლება დანიშნონ თავიანთი წარმომადგენლები, რომლებიც კოორდინაციას გაუწევენ ხელშეკრულებით განსაზღვრული საკითხების გადაწყვეტას.

10.7. მხარეები ვალდებული არიან იხმარონ ყველა ღონე, რათა ხელშეკრულების მოშლის შედეგად არ მიაყენონ ერთმანეთს მატერიალური ზიანი.

10.8. ხელშეკრულება შედგენილია თანაბარი იურიდიული ძალის მქონე ორ ეგზემპლარად და ინახება ხელშეკრულების მხარეებთან.

მუხლი 11. მხარეთარეკვიზიტები

„დამკვეთი“

„შემსრულებელი“

შპს „საქართველოს ფოსტა“

თვითმმართველი ქალაქი

თელავის მუნიციპალიტეტი

მის: ქ. თელავი, ერეკლე II გამზ. N16

ს.კ. 231290698

ტელ: 0(350)272300

მერის მოადგილე

ლევან ლილუაშვილი  ბ. ა.

ტელ: 240909

ბანკი: სს „საქართველოს ბანკი“

ბანკისკოდი: BAGAGE22

ანგ. ნომერი: GE13BG0000000123286800

ს/კ 203836233

გენერალური დირექტორი

ლევან ჩიგვაძე



ტარიფები საფელდეგრო მომსახურებაზე

(საქართველოს ფარგლებში)

	გზავნილის წონა	სტანდარტული ფასი
1	0-0,5 კგ-მდე	6.50 ლარი
2	0.5 კგ-დან 1 კგ-მდე	11.50 ლარი
3	1კგ-დან 2 კგ-მდე	15.00 ლარი
4	2 კგ-დან ყოველ დამატებულ 100 გრ-ზე	1 ლარი

- სასწრაფო გზავნილის ფასი დაანგარიშდება ჩვეულებრივი გზავნილის ღირებულების ორმაგი ოდენობით.

